	Aukra kommune	Arkivsak: 2018/947-1
		Arkiv: 231
		Saksbeh: Gerd Nerbø
		Dato: 11.10.2018

Saksframlegg

Utv.saknr.:	Utval:	Møtedato:
82/18	Formannskapet	29.10.2018
83/18	Kommunestyret	13.11.2018

Gebyr for renovasjon 2019

Rådmannen si tilråding:

I medhald av forureiningslova § 34 og forskrifter for renovasjon for Aukra kommune, vedtek kommunestyret at gebyr for renovasjon for 2019 vert auka med 28,3 % til kr. 3.468,- pr./år for eit standardgebyr inkl. mva.

Saksprotokoll i Formannskapet - 29.10.2018

Behandling

Tilrådinga frå rådmannen vart samrøystes vedtatt

Innstilling frå formannskapet:

Som tilrådinga frå rådmannen

Saksprotokoll i Kommunestyret - 13.11.2018

Behandling

Heidi Løklingholm ba kommunestyret vurdere om ho som styremedlem i RIR IKS var inhabil. Ho vart samrøystes vurdert som inhabil, jf. Forvaltingslova § 6 e) 2. Møtet vart sett med 20 representantar.

Innstillinga frå formannskapet vart samrøystes vedtatt

Vedtak

I medhald av forureiningslova § 34 og forskrifter for renovasjon for Aukra kommune, vedtek kommunestyret at gebyr for renovasjon for 2019 vert auka med 28,3 % til kr. 3.468,- pr./år for eit standardgebyr inkl. mva.

Vedlegg

- 1 Momentum sjølvkostmodell
VARF

Særutskrift:

Bakgrunn:

Aukra kommune bereknar kommunale gebyr i tråd med Retningslinjer for beregning av selvkost for kommunale betalings-tjenester (H- 3/14, Kommunal- og moderniseringsdepartementet, februar 2014). Sjølvkost inneber at kommunens kostnader med å tilverke tenestene skal dekkjast av gebyra som brukarane av tenestene betaler. Kommunen har ikkje anledning til å tene pengar på tenestene. Ei anna sentral avgrensing i kommunen sitt handlingsrom er at overskot frå det enkelte år skal tilbakeførast til abonnentane eller brukarane i form av lågare gebyr innan dei neste fem åra. Dette inneber at dersom kommunen har avsette overskot som er eldre enn fire år, må overskotet brukast til å redusere gebyra i det komande budsjettåret. Eksempelvis må eit overskot som stammar frå 2014 i si heilheit vere disponert innan 2019.

Utfordringar med sjølvkostbudsjettet

Det er ei rekkje faktorar som Aukra kommune ikkje rår over i høve til kva sjølvkostresultatet for det enkelte år vil verte. Dei viktigaste faktorane er budsjettåret si forventa kalkylerente (5-årig SWAP-rente + 1/2 %-poeng), gjennomføringsevne på planlagte prosjekt (kapasitetsavgrensingar internt og eksternt), og dessutan (uventa) inntekter frå nye abonnentar eller brukarar. I sum fører dette til at det er utfordrande å treffe med budsjettet.

Utgreiing:


Kalkylerenta er for 2019 anslege å vere 2,33 %. Lønnsvekst frå 2018 til 2019 er sett til 4,00 %, medan generell prisvekst er sett til 2,53 %. Budsjettet er utarbeida den 20. september 2018. Tala for 2017 er etterkalkyle, tala for 2018 er prognostiserte verdiar og ikkje tal frå budsjettet. Tala for 2019 til 2022 er budsjett/økonomiplan. Ved behov for ytterlegare grunnlagstal og berekningsmetodar vises det til kommunens sjølvkostmodell Momentum Selvkost Kommune.

Hausten 2017 varsla RIR ei ekstraordinær auke i gebyra på hushaldningsavfall. Årsaka var overtaking av innsamling av avfall frå RenoNorden og oppretting av eige selskap, RIR Transport AS, samt at RIR starta innsamling av glas/metall frå hushaldningane. Standardgebyret vart auka med 15,9 % i 2018. Denne auka vart varsla kommunen etter at budsjettet for sjølvkostområdet var lagt (18/10-2017), og difor vart ikkje gebyra for abonnentane i Aukra kommune auka tilsvarende i 2018. Låge inntekter på vidarsal av avfall, endring i bemanning og nye investeringar gjer at RIR også denne hausten varslar ei stor auke i gebyra for innsamling av hushaldningsavfall for 2019, på heile 11,8%.

Gebyrutvikling vatn, avløp, renovasjon og feiing

Frå 2018 til 2019 føreslås ei samla gebyrauking på omlag 15 % for å dekkje kommunen sine kostnader på områda. Gebyret for renovasjon auker med 28 %, medan gebyret for avløp minkar med 0 %.

I perioden 2017 til 2022 auker samla gebyr med kr 3 163,-, frå kr 11 122,- i 2017 til kr 14 285,- i 2022. Dette svarar til ei gjennomsnittleg årleg gebyrauking på 5 %. I stolpediagrammet under er gebyret for vatn og avlaup basert på eit årleg målt forbruk på 180 kubikkmeter vatn. Gebyrsatsane er inkl. mva.



Årleg gebyrendring frå året før	2019	2020	2021	2022
Vatn	21,4 %	5,5 %	0,7 %	3,9 %
Avløp	-0,4 %	-3,7 %	-6,9 %	6,4 %
Renovasjon	28,3 %	9,6 %	8,4 %	6,7 %
Feiing	3,1 %	3,0 %	3,8 %	5,7 %
Total endring	15,0 %	3,8 %	0,9 %	5,4 %

Ingrid Husøy Rimstad
Rådmann

Gerd Nerbø
Teknisk sjef

Rett utskrift 14.11.18

Anita Raknes Otterlei
Formannskapssekr.